



睿濟瑣綴錄卷之五

錦衣衛掌衛事都指揮僉事臣袁彬謹



題為纂脩事成化元年七月二十一日該太保會昌侯
孫繼宗等題

英宗皇帝車駕北征往還事蹟有錦衣衛都指揮僉事袁
彬一向隨侍必能詳知合無令其開寫具題奉

聖旨是欽此欽遵本月二十二日臣將事蹟錄寫欵送該
館未敢擅便具題奉

聖旨是錄寫完了還封進欽此欽遵今將事蹟開坐謹題

請旨計開

東京大學
東洋文化研究所所藏
漢籍善本全文影像資料庫

書名 睿濟瑣綴錄殘四卷
撰者 明 尹直 撰
卷 卷五
內容分類 史-雜史-瑣記-明
索書號 大木-法類-獄訟-案牘-3
編號 B1760200

[彩色首頁1](#)

[東洋文化研究所漢籍目錄 編號: B1760200](#)

[東洋文化研究所漢籍目錄所藏漢籍善本全文影像資料庫 索書號: 大木-法類-獄訟-案牘-3](#)

[漢籍善本全文影像資料庫文本睿濟瑣綴錄殘四卷](#)

版權所有: [東京大學](#) [東洋文化研究所](#)

[使用上的注意事項](#)

0 1 2 3 4 5 6 7 8 9 10

cm

睿濟瑣綴錄卷之五

錦衣衛掌衛事都指揮僉事臣袁彬謹



題為纂脩事成化元年七月二十一日該太保會昌侯
孫繼宗等題

英宗皇帝車駕北征往還事蹟有錦衣衛都指揮僉事袁
彬一向隨侍必能詳知合無令其開寫具題奉

聖旨是欽此欽遵本月二十二日臣將事蹟錄寫欵送該
館未敢擅便具題奉

聖旨是錄寫完了還封進欽此欽遵今將事蹟開坐謹題
請旨計開



正統十四年八月十五日臣在土木爲回回賽伏刺所
虜十六日

皇上在雷家站高崗地上坐衆達子圍着是臣遠觀認的
是我

英宗皇帝臣叩頭哭

上問你是甚麼人臣說是校尉當奉

聖旨你不要說是校尉只說是原在家跟隨的指揮又問
你會寫字不會臣說會寫就令在左右隨侍答應本日
奉

聖旨討珍珠六托九龍段子蟒龍金二百兩銀四百兩賞

也先着臣寫書與千戶梁貴回京奏討十七日隨到宣

府西城角答話城上放短鎗不得近又轉到南門有

聖旨宣楊洪范廣朱謙羅亨信着開門接我城上去城上
人回說今日晚不敢開門這城池軍馬是

爺爺的楊洪也出去了不在城裏星月上時隨

上渡宣府河臣下水控馬渡訖至二更時大雷雨就陣上
震死也先所騎青白驃馬兩止

上令臣出帳房外窺視見赤光罩定

御帳隨即奏知先是虜衆累謀欲害

上數見瑞應謀遂沮明日也先就來帳房前叩頭致敬十

八日

聖旨差喜寧回京奏討賞賜十九日早也先令伯顏帖木
得知院來進熟肉鋪蓋皮襖二十日到大同東塘坡上
聖旨着寫書差力士張林到大同城裏有總兵官劉安都
督郭登都御史沈固將張林付斷事司審問來歷是晚說
差人出來答話二十一日早過西門答話

上又令忠勇伯到城下城中不信着臣自騎馬到城下跪
說我是寫字的校尉見有駕牌爲照原籍是江西人這
裏委的是

皇帝在土木時軍馬尽被也先殺散了下吊橋放我進去

臣入城見劉安郭登沈固霍瑄衆官計議良久留臣在

城劉安出城見

上慟哭

上問城裏有會說話的通事着一人出來劉安說有通事
指揮李讓奉

聖旨便着他出來劉安入城方遣臣出臣見

上又令臣入城取李指揮李指揮說我女兒許與大同王
對親如今不與他我若出去他定殺了我臣扯住繫腰
說

皇帝在門外如何不去劉安又言我在

上前說過了你便去遂同李指揮出見

上得知院等言說我太師也先曾說我有甚麼本是征伐南朝只是天着我和

皇帝一會李指揮說官人你這說話有天理得知院等到城下令臣於

上前索羊酒賞賜是日劉安等同大小官員出城朝見及進羊酒等物

上問大同有多少錢糧劉安說有十四萬兩銀子當令臣取銀一萬兩以五千兩賞也先五千兩賞得知院等三人虜又索衆軍馬賞賜

上令臣再入城取銀五千兩散與衆達子二十二日臣傳奉

聖旨討武伯朱冕西寧侯宋瑛內官郭敬的家財及三人的蟒龍衣服酒器尽都掣來賞與也先城內衆指揮千百戶鞦衣服綵段來賞與也先大小頭目又着擺筵席管待他至晚離城西二十里駐蹕有夜不收楊總旗來與臣說今夜有五箇夜不收來密請

爺爺石佛寺去待他尋不見時便乘間入城去臣備奏知上曰此危事使不得先在土木時不曾死我命在天若萬一不慮如何好遂不用其計二十三日也先等說

我每到猫兒莊外會議擬送

皇帝南歸是日晚到水尽頭指揮盛廣等送至銀三千兩
二十四日送衣服二十六日送綵段羊酒密食二十七
日到九十九箇海子二十八日下柳源縣二十九日到
黑河三十日到八宝山九月十六日季鐸賚賞并
聖母皇太后寄來貂裘胡帽衣服等件到營見

上說初六日 邨玉已即皇帝位又說文武百官奉

皇子三人中年長者一人爲

東宮

皇上令臣寫書三封一禪位於 邨玉一問安於

皇后一致意於百官絕也先闢地之心動

景皇天倫之念

上看之甚喜當時祝

天本月十七日到斷頭山住五日也先每日進諸般熟野
味二十二日又往北行二日也先會議復往南行一日
也先號令選廝殺馬匹五更時分起營至暮駐劄二十
八日到大同

上至北門郭登朝服在月門裏設交床一把伺候叩頭
上不肯下馬郭登潛令人伏城上欲放下月城閘板虜覓
之就擁

上出門也先到大同東門邀城中頭目出見城中不從惟
進羊酒諸物

上親說與城上官軍這廝每說不肯送我你每守

祖宗的城池操練軍馬不可怠慢十月初一日至聚樂店
內官喜寧說如今送

爺爺從居庸關進去初三日至陽和討了牛羊酒初四日
到紫荆關北空地駐劄有通事都指揮岳謙與臣說喜
寧會說達話說他前領哨馬進紫荆關去搶北京臣思
喜寧頗知中國虛實今為虜用恐其乘虛入關當以岳
謙所說奏聞

上曰只憑着天理去初五日喜寧領前哨進紫荆關北口
初九日寧等燒毀紫荆關殺都御史孫祥初十日過易
州至良鄉縣本縣里老人等進茶食果品羊酒十一日
到蘆溝橋有果園署官以果品來進

上又令臣寫書三封奉

聖母皇太后及

御弟皇帝暨文武群臣通報虜情固守

社稷當差岳謙同那哈出到彰義門答話岳謙為官軍殺
了那哈出奔走回營與也先說他南朝人也不認得殺
了岳謙也先聽得當令達子擺一字陣直至西直門

上御德勝門外空房內十二日臣送

上登土城答話有王復趙榮來進羊酒得知院等說怎麼沒大頭目來接着你小官人出來十五日

上令臣與得知院說哈銘會說達子話就帶回去不要放他入城又宣喜寧三次不至是日回至良鄉十六日到易州十七日出紫荆關連日雨雪上下艱難十八日到渾河十九日到蔚州二十一日到順聖川駐劄二十二日往陽和後口到猫兒莊二十四日北行十一月十六日到老營得知院妻率羊迎

上遙盃十七日宰馬做筵簾在蘇武廟駐劄九十四日時天寒甚臣得宿寢傍每至中夜令臣伏臥內以兩脇溫上足時出帳房仰視天象或指示臣曰

天意有在我終當歸耳也先每二日進羊一隻七日進牛一隻五日七日十日做筵簾一次逐日進牛乳馬乳又進窩兒帳房一頂差達婦管起管下

上在行營或坐暖車或乘馬途中達子達婦遇見皆於馬上叩頭隨路進野味并奶子也先每宰馬設宴先奉

上酒就自彈虎撥思兒唱曲衆達子齊声和之得知院大同王賽罕王跪奉

上酒至十二月初二三在老營起往來駐劄也先并達子

每夜見

上所御帳房上火起隱若黃龍交騰其

上也先欲以妹進

上竟却之初六日喜寧與也先議請

上往高橋兒寧夏去臣說如今天氣冷凍

爺爺如何去得遂不成行喜寧與也先說都是校尉袁彬

撥置阻往將臣賺去蘆葦地內網了欲開剝忠勇伯密

令人走報

上令哈銘與也先說饒臣死方解皮條放了也先等領達

子四散搶擄至月盡回營日期不等

上累令臣寫書差人回京與

御弟皇帝并文武群臣以

祖宗社稷爲重好生操練軍馬謹守城池不要顧我景泰

元年正月初一日

上自將白紙寫表宰羊一隻祝告

天地行十六拜禮至二月初一日也先請

上至其帳奉酒彈唱也先三妻皆出叩頭獻鉄脚皮四月

二十二日

上以又無使臣往來喜寧又潛懷二意數教也先擾邊於

是令臣寫分豁本差人回京若爲喜寧申理者又令臣

至也先處說

爺爺有旨要差總旗高鑿太監喜寧達子那哈出同京也先依听又密書喜寧謀叛情跡亟於木片內繫鑿腿上令至宣府與總兵等官以計擒之至野狐嶺高鑿與喜寧飯於城下密約城上至進湯時即發短鎗少頃短鎗發達衆走散高鑿抱喜寧滾下濠中遂擒入城那哈出走回營見

上說喜寧在野狐嶺被高鑿抱住滾下濠裏擲入城內去了

上大喜說使兩下裏動干戈害人民都是這廝如今掣了他邊上方得寧靜我南歸也可望也五月內李實羅琦馬顯賞賞來與也先見

上本月內回京七月初三日哈銘來說也先會議送爺爺回朝要京裏着頭目來接就差哈銘詣京奏報二十七日哈銘同楊善至龍門地方接見八月初二日也先得知院等進馬匹貂鼠銀鼠皮張也先得知院等及其妻妾俱送

上行約半日程也先下馬叩頭跪着解所帶弓箭撒袋戰裙以進與衆達子羅拜伏地慟哭辭去惟得知院領部下人馬直送至野狐嶺又進馬匹齊叩頭拜別到宣府

右衛城外官廳住一夜宣府都督朱謙同男朱永帶領人馬到右衛接見

上到宣府外搭殿住二日十三日就着朱謙設宴討綵段衣服等件賞達子那哈出等又有商輅王謙許彬接到朝見畢後

上令臣宣許彬等到

上說為我家

祖宗社稷着恁官人每多費心憂念我如今幸得回還到京時情願退居間處你便寫書與

御弟皇帝知道十四日到雙泉鋪已夜其夜

上打點衣服以舊所服白綾中衣一件及也先所獻戰裙

賜臣十五日至京入南宮十六日早臣朝見二十五日蒙

陞臣試百戶天順元年正月十七日

上復位十九日陞臣指揮僉事二十五日

欽賜第一所於澄清坊舊北向

上令內官監改造面陽本衛役夫千人又

欽賜銀三百兩綵段表裏三月內臣娶妻

上命國舅孫顯宗主親及賜金三十兩銀二百兩綵幣八

表裏天順二年二月內臣生子賞金二十兩銀一百兩

綵段六表裏又陸續賜大紅織金紵絲蟒龍并各色織

金胸背衣服綉春刀磁器等物

右題本臣在史館時已備載諸實錄頗加損益潤色之及此又蒙袁錦衣出示乃復具錄垂後予以昭我英皇之神功聖德感化醜虜而袁錦衣之攄忠效勞始終遭際皆曠右所未有信乎

天意之有在而非人力所可及也臣直謹識

成化乙未夏五月十九日早禮部面奉手勅

朕皇子年已六歲未有名恁禮部會同翰林院具擬來聞明日閣下議樞楷祭四字以進皆不用復諭再擬乃定今睿名初

皇妣紀氏得幸有娠乃貴妃既覺恚而苦楚之

上令託病出之安樂堂以瘞報而屬門官照管既誕

皇子密令內侍近臣謹護視之及悼恭薨後內庭漸傳西

宮有一

皇子歲甲午春直偶與彭先生談及且請乘間言之或賜

名付玉牒或訪其外家畧加表異使外庭曉然知之不

然他日何以信服于天下也公唯唯至冬又談及之公

荅曰近嘗託黃賜太監具達至尊云漢高外婦之子且

明取入宮今實金枝玉葉何嫌而諱

上乃諭黃賜汝上履先生是有一子在西宮俟再打听直

歸竊欲建白請睿名以示外庭稿具復慮万一乞請因而見忌致有踈虞則各何辭老氏福首禍先斯所當鑒且度

皇子曰長中外已籍上當必有發之者矣俟予言遂已至是太監張敏厚結貴妃主宮太監段英乘間說之貴妃驚云何獨不令我知遂具服進賀厚賜紀氏母子擇日請入宮次日下勅定名徙紀氏處西內永壽宮禮數視貴妃中外臣僚喜惧交并而張敏者以爲已功皆受厚賞敏因監督操練示欲立意於諸總兵又內使郭鏞致手簡託序班嚴冠英來諭意於予上即具請立奏稿呈

商先生商止予勿進遂會禮吏二部議定具奏僉文武各衙門堂上及學士官名而以英國公爲首六月七日早本進即命司禮七太監宣四閣老至中左門擬旨以頃七太監同持本出奉天門集百官以本授英國曰聖斷寔御筆批云覽奏具悉卿等忠愛但儲二事重姑俟皇子年齡稍長行之明旦復宣四閣老至文華殿諭之曰皇子頗會讀書待他進學且逢上商閣老獨對數話請謹保護至於衆意欲請

皇子母子同處別宮庶脫虎口則未敢云蓋恐相激特紀妃有病命黃賜張敏將院使方賢治中吳衡往治万貴

妃請以黃袍賜之俾得生見次日病少間自是不復令人診視至六月二十八日卒是日天色皆赤以時享致齋七月朔始發喪追封淑妃初三日

皇子千秋乃自初四日起輟朝三日一時城中傳言病卒之故紛紛不一蓋不能無疑

今上嗣位寇英請余以郭鏞之簡自陳推贊之功莫已亦預傳道之賞予曰天命素定予何功之有漢丙吉擁護皇曾孫何嘗自言寇英曰先生古人心矣

成化庚寅春甘露降於郊壇松柏時

上親郊御齋宮取以賜百官予特署翰林院事進甘露頌

蓋彭純道所也然是瑞實兆

今上之在娠至秋孟拙乃誕自古聖帝明王之降生不偶蓋必有禎祥兆於先而非人所預知也况

今上實太平天子意固有在矣

成化丙申秋一妾男子名侯得權本山西僧行年二十餘蹤跡詭異人物俊秀無鬚類小宦豎嘗旅游陝西遇一道士妄傳讖語遂畜髮改名李子龍會有相者附會所至誑惑意本求食迤邐入京黃緣潛住於少監常舍外宅從者謂此人不凡含尊敬之引雜宦豎入內或登萬萬歲山上殿中憇息御床上而莫之禁久而執蓋司扇

諸宦侍不得志者皆佯禮爲佛叩頭旁坐頗有非分之
異含妻以義子之女處以正寢鄰有識者竊議從來中
貴不敬外人何獨過禮此人嫉刺事旗校日伺察之旗
校竄一二人其中亦以投禮爲名漸聞約束以八月十
五日當往真定府舉事即自於太監黃賜賜遂請被捕
果獲其所造黃絹袍翼善冠等器含被逮至錦衣獄遽
殞絕或疑黨類鳩之以滅口其執蓋司扇諸宦侍見含
死皆不輸情惟子龍其心就死自謂享用過分備述所
歷內外皆人所不能到都憲李賓王鉞等恐有所污蔑
呵止之節畧招詞具揭帖與賜斟酌數四乃進賜亦惧
禍處决子龍等俱如律而諸宦侍止發南京克淨軍而
已予時佐禮部得其詳於御史郭瑞蓋當推斷者云
揚文貞公初以明經徵入翰林在編纂未幾有

旨諸編纂悉送吏部試文章考第高下而官之尚書張絃
讀文貞策喜曰明達時務有用之才不但文詞之工也
以爲第一奏授親王府審理文貞由是著名後果大用
知人之鑑張公有焉

正統中都御史陳智性剛而躁嘗坐偶有蠅拂其面即
怒叱從者拏從者紛然東奔西突爲逐補之狀少頃俟
其怒解稟問拿何人乃叱之曰是蠅有相知者以寬緩

爲勸即置一木簡書戒暴怒三字于止置諸左右以自警及至有觸忤者輒舉木簡撻之一日與掌順天府事工部侍郎李庸在朝議事不合相忿詬朝廷遂兩罷之

劉主靜先生一日過吏部前見粥書者陳設群籍中有崔氏春秋意謂常見呂氏春秋不知崔氏春秋到家即以數文錢急令隸人往易以來展觀乃是西廂記咲而斥之士林傳以爲咲曰劉先生真一酸儒予以自嘆吾酸亦然蓋平生不喜此故未嘗見然丘仲深乃能撰五倫全備則其學識博涉非予可及於是益可知矣

宣德正統中豫章胡願菴先生與未加黃文簡公皆退居林下老成舊德東西相望凡部使上司達官显宦蒞其境必禮謁於其廬尊讓愈加蓋三陽當國克敦故舊之誼故二公家居得遂燕申之尊風誼誠可尚也後世固有同官相軋忌既去相遠絕而淺中弱植之徒又從而觀望招撻以資進取而不止者不火皆諸公之罪人士習日漓炎涼異態可勝慨夫